



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Goražde

### IZVJEŠTAJ O ODRŽANOM DRUGOM MENTORSKOM SASTANKU U OKVIRU JAVNOG POZIVA ZA PREDAJU PROJEKTNIH PRIJEDLOGA U SKLOPU PROJEKTA REGIONALNI PROGRAM LOKALNE DEMOKRATIJE NA ZAPADNOM BALKANU (RELOAD2) U GRADU GORAŽDU

U okviru Javnog poziva za organizacije civilnog društva/nevladine organizacije za predaju prijedloga projekata, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)<sup>1</sup> u saradnji sa Gradom Goraždem, u četvrtak, 3. novembra 2022. godine u terminu od 12.00 do 13.30h održan je drugi od tri planirana mentorska sastanka za zainteresovane predstavnike/ice organizacija civilnog društva (OCD). Prvi mentorski sastanak održan je u prostorijama Gradske uprave i bio je prilika da predstavnici OCD-a sa mentorom javno diskutuju o nedoumicama i dilemama u okviru pripreme projektnih prijedloga.

Termin drugog mentorskog sastanka objavljen je na zvaničnoj internet stranici Grada Goražda.

Drugom mentorskom sastanku prisustvovalo je ukupno 6 učesnika/ca (predstavnik/ca 4 OCD), od čega 4 žene i 2 muškarca.

Na početku mentorskog sastanka, učesnicima je pojašnjena uloga mentora i svrha održavanja mentorskih sastanaka. Tom prilikom je naglašeno kako je uloga mentora **da pomogne u otklanjanju dilema i nedoumica koje predstavnici OCD mogu imati tokom pripreme projektnih prijedloga**, ali da uloga mentora nije da na bilo koji način učestvuje u izradi samih projektnih prijedloga. Istaknuto je takođe da u cilju osiguranja i primjene transparentnog pristupa realizacija mentorstva, konsultacije „jedan na jedan“ sa predstavnicima OCD nisu dozvoljene. Nakon uvodnog predavljanja svrhe mentorskih sastanaka i planiranog načina rada mentor je dao mogućnost prisutnima na sastanku da iznesu svoje dileme i postavbe pitanja.

Tokom diskusije razgovarano je o sljedećim temama:

#### 1. Struktura projektne intervencije, definisanje rezultata i aktivnosti.

Tokom mentorske sesije učesnici su iznijeli koje nedoumice imaju u vezi sa definisanjem rezultata i projektnih aktivnosti, čijom realizacijom će se ispuniti zacrtani ciljevi, kreirani kao odgovor na specifične potrebe u lokalnim zajednicama i za konkretne ciljne grupe identifikovane projektom.

Odgovor: Mentor je podsjetio da projekti trebaju biti integrisani kao metodološki set aktivnosti, kreiran da ostvari određene specifične ciljeve i rezultate unutar ograničenog vremenskog okvira.

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



Mentor je podsjetio na segment ranije održane PCM obuke koji se odnosio razgraničenje ciljeva, rezultata i aktivnosti. U tom kontekstu važno je na ciljeve projekta gledati kao na rješenje prethodno uočenog problema, odnosno, kao na pozitivnu i trajnu promjenu koja će se desiti po završetku projektne intervencije.

Rezultate u tom smislu treba posmatrati kao sredstva za dostizanje te željene promjene (specifičnog cilja projekta). Rezultati moraju biti konkretni, opipljivi ishodi projektnih aktivnosti-usluge, proizvodi, i slično.

Kada su u pitanju aktivnosti, radi se o osnovnim koracima i zadacima koje je potrebno izvršiti da bi se postigli željeni rezultati. Projektne aktivnosti trebaju biti grupisane i povezane sa relevantnim projektnim rezultatima, važno ih je što bolje razraditi jer su aktivnosti ujedno i osnova za pripremu projektnog budžeta.

Učesnicima je naglašeno da projekti moraju imati kontinuitet u realizaciji aktivnosti (ne može biti jedan ili više mjeseci u toku trajanja projekta u kom nisu predviđene aktivnosti na projektu).

### 2. Definisanje ciljne grupe

Ponovo je napomenuto, da svi projektni prijedlozi treba da doprinesu dobrobiti stanovnika Goražda, te ciljne grupe treba da budu šire od članstva jedne OCD. Posebno treba razmisliti o načinu odabira tih ciljnih grupa, da bi se obezbijedila jednaka mogućnost svim zainteresovanim, a odabrale najprioritetniji.

Udruženja su napomenuta da obezbijede transparentan proces prijave i odabira ciljne grupe, kroz javne pozive i kriterijume za odabir.

Mentor je podsjetio da ciljne grupe moraju biti jasno definisane, kao i jasna korist provođenja projekta za ciljnu grupu.

### 3. Definisanje budžeta

Predstavnici OCD su imali nedoumice oko definisanja budžetskih linija.

Odgovor: Neophodno je povezivati projektne aktivnosti sa budžetskim linijama. U jednoj budžetskoj liniji ne mogu biti grupisani troškovi za više aktivnosti, npr. organizovanje edukacija. Potrebno je razdvojiti troškove na više budžetskih stavki, npr. troškovi zakupa, troškovi predavača, troškovi prevoza, troškovi štampanja materijala.

### 4. Ostala pitanja

Učesnicima je odgovoreno i na nekoliko drugih pitanja/nedoumica:

- formulisanje indikatora - biće predmet trećeg dijela PCM obuke, što će im olakšati dalji rad na projektnom obrascu/matrici logičkog okvira,
- odabir predavača ne mora ići kroz tri konkurentne ponude, ako su imena predavača, adekvatne stručnosti, navedena u projektnom prijedlogu (uz obavezno prilaganje njihovih biografija),
- troškovi promocije ne mogu prelaziti 5% budžeta projekta.



Finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



Na kraju sastanka, mentor se zahvalio prisutnim predstavnicima OCD na učešću te najavio da će u toku mjeseca novembra biti organizovana još jedan dio obuka za pisanje projekata i jedan mentorski sastanak, a sve kako bi predstavnicima/acama OCD-a bila pružena podrška prilikom pripreme projektnih ideja, i to:

1. **Treći dio obuke za pisanje projekata (Indikatori i sredstva provjere, Planiranje aktivnosti i budžeta) u ponedjeljak 7.novembra 2022. godine u 11.00h** (Gradska uprava, velika sala).
2. **Treći sastanak sa mentorom u četvrtak, 10. novembra 2022. godine u 11.00h** (Gradska uprava, velika sala).

U svrhu transparentnosti, svi zapisnici, uključujući i ovaj, sa održanih sastanaka sa mentorom će biti objavljeni na stranici Grada Goražda. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.